



LITANIJA VYSUSVĀTŌKŌS JAUNOVAS MARIJAS GŪDAM

Kyrie, eleison! Christe, eleison! Kyrie, eleison!
Kristu, klausī myus! Kristu, uzklausī myus!
Dīvs Tāvs nu dabasim, apsažāloj par mums!
Dīvs Dāls, pasaulā Pestītāj, apsažāloj par mums!
Dīvs Svātais Gors, apsažāloj par mums!
Svātō Trejādēiba, vīns Dīvs, apsažāloj par mums!

Svātō Marija,
Svātō Dīva Dzemdeitāja,
Svātō jaunovu Jaunova,
Jezus Kristus Mōte,
Bazneicas Mōte,
Žālsirdēibas Mōte,
Dīva žēlesteibas Mōte,
Cereibas Mōte,
Vysuteirōkō Mōte,
Vysuskeistōkō Mōte,
Nanūzīdzeigō Mōte,
Vysod jaunaveigō Mōte,
Mīleigō Mōte,
Breineigō Mōte,
Loba padūma Mōte,
Radeitāja Mōte,
Pestītāja Mōte,
Vysugudrōkō Jaunova,
Gūda cīneigō Jaunova,
Slavejamō Jaunova,
Vareigō Jaunova,
Žēleigō Jaunova,
Uzticeigō Jaunova,
Taisneibas spūguļs,
Gudreibas krāslys,
Myusu prīcas īmeslis,
Goreigais trauks,
Cīnejamais trauks,
Sevišķs dīvakolpōšonas trauks,
Goreigō rūze,

lyudz Dīvu par mums!

Davidā tūrnis,
Zylūņkaula tūrnis,
Zalta noms,
Dereibas skreine,
Dabasu durovas,
Reita zvaigzne,
Sliminīku veseleiba,
Grēcinīku glōbēja,
Bēgļu mīrynōjums,
Bēdeigūs īprīcynōtōja,
Kristticeigūs paleigs,
Eņgeļu Kēnenīne,
Patriarhu Kēnenīne,
Pravīšu Kēnenīne,
Apostolu Kēnenīne,
Mūcekļu Kēnenīne,
Izzinēju Kēnenīne,
Jaunovu Kēnenīne,
Vysu Svātūs Kēnenīne,
Bez pyrmdzymtō grāka ījimtō Kēnenīne,
Dabasūs uzjimtō Kēnenīne,
Svātō Rūžukrūņa Kēnenīne,
Gimiņu Kēnenīne,
Mīra Kēnenīne,
Mōras zemes Kēnenīne,

lyudz Dīvu par mums!

Dīva Jārs, kas nūceļ pasauļa grākus, atlaid mums, Kungs un Dīvs!
Dīva Jārs, kas nūceļ pasauļa grākus, uzklausi myus, Kungs un Dīvs!
Dīva Jārs, kas nūceļ pasauļa grākus, apsažāloj par mums!

ZAM TOVA PATVĀRUMA steidzamēs, svātō Dīva Dzemdeitōja! Myusu lyugšonas, lyudzam, nasmōdej myusu vajadzeibōs! Bet nu ikvīnas nalaimes vysod myus izglōb, slaveigō un svēteigō Jaunova! Myusu Vaļdneica, myusu Vydutōja, myusu Aizbyldynōtōja! Samīrynoj myus ar sovu Dālu! Īteic myus sovam Dālam! Stōdi myus sovam Dālam prīškā!

V. Lyudzīs par mums, svātō Dīva Dzemdeitōja!

R. Lai mes Kristus apsūlejumu toptu cīneigi!

Lyugsimēs! Kungs Dīvs, mes Tevi lyudzam, dori, lai myusu, Tovu kolpu, dvēsele un mīsa vīnmār byutu vasala un ar slavejamōs Vysusvātōkōs Jaunovas Marijas aizbiļdeibu mes tyktu atbreivōti nu laiceigō ļaunuma un prīcōtūs myužēigā dzeivē. Caur Jezu Kristu, myusu Kungu. Amen.